



SERVING AUTHORS WORLDWIDE
AU SERVICE DES AUTEURS DANS LE MONDE
AL SERVICIO DE LOS AUTORES EN EL MUNDO

**CE010-
Evropski komitet
Istanbul, 14.10.2010. – 15.10.2010.**

Izvorni jezik: engleski

8.9.2010.

Rezolucija: Bosna i Hercegovina



Evropski komitet Međunarodne konfederacije društava autora i kompozitora (CISAC), koji zastupa društva stvaralaca i autora iz svih evropskih zemalja, na sastanku u Istanbulu, 14. i 15. septembra 2010.g.

Informisan od strane svoje članice Sine Qua Non o problemima u vezi sa kolektivnim ostvarivanjem autorskih prava u Bosni i Hercegovini, posebno činjenici da većina korisnika (emiteri, organizatori koncerata, hoteli, restorani, itd.) još uvijek ne poštuje svoje obaveze u pogledu autorskih prava;

Podsjeća da je CISAC-ova misija da štiti i brani moralne i ekonomske interese više od 2 miliona autora i kompozitora širom svijeta;

Snažno i u potpunosti podržava Sine Qua Non, članicu CISAC-a od 2001.g. u njenoj misiji da ostvari i zaštiti interese svih autora na teritoriji Bosne i Hercegovine;

Zahtijeva od Instituta za intelektualno vlasništvo Bosne i Hercegovine da izvrši kontrolu svih licenci organizacija za kolektivno ostvarivanje (CMOs), kako bi samo legitimne organizacije mogle djelovati;

Žali što nedavno usvojeni Zakon o kolektivnom ostvarivanju autorskog i srodnih prava i Zakon o autorskom pravu i srodnim pravima nisu uzeli u obzir sugestije CISAC-a i SQN i što su uvedene neke sporne odredbe, te su tako još više doprinijeli neopravdanom uplitanju u privatna prava koja su ugrožena, i **poziva** Parlamentarnu skupštinu BiH da izvrši hitnu korekciju tih odredaba.

Zahtijeva od Regulatorne agencije za komunikacije (CRA) Bosne i Hercegovine da preduzme sve moguće mjere u cilju sprečavanja daljeg kršenja autorskih prava;

Uz dužno poštovanje traži da premijer Bosne i Hercegovine preduzme sve neophodne mjere u cilju uspostavljanja mehanizma za koordinaciju aktivnosti agencija za sprovođenje zakona u oblasti prava intelektualnog vlasništva;

Uz dužno poštovanje traži da Visoki predstavnik i specijalni predstavnik EU u Bosni i Hercegovini preduzme sve potrebne mjere kako bi se uklonile prepreke za punu primjenu zakonskih propisa Bosne i Hercegovine iz oblasti autorskih prava.

Potvrđujem da ovaj prijevod u potpunosti odgovara izvorniku sačinjenom na engleskom jeziku.

Dnevnik br. 117/10

Sarajevo, 20. septembar 2010. godine

Snežana Vukadinović, stalni sudski tumač za engleski jezik

